

# NOMBA CHIFUKWA WABABIKASO



Chris Oyakhilome, D.Sc., D.D



# **NOMBA CHIFUKWA WABABIKASO**



Chris Oyakhilome, D.Sc., D.D

All scripture quotations in this volume are from the King James Version of the Bible unless otherwise indicated.

2nd Edition, 2013

Fifth Printing, 2019

ISBN 978-978-51521-0-4

Copyright © 2006 LoveWorld Publishing

Published by: LoveWorld Publishing

3, Adebayo Akande Street, Oregun, Ikeja, Lagos, Nigeria.

Email: [info@loveworldbooks.org](mailto:info@loveworldbooks.org)

Website: [www.loveworldbooks.org](http://www.loveworldbooks.org)

UNITED KINGDOM:

Unit C2, Thamesview Business Centre

Barlow Way, Rainham, RM13 8BT

Tel: +44(0)170 855 6604

NIGERIA:

Christ Embassy

Plot 97, Durumi District,

Abuja, Nigeria.

NIGERIA:

Plot 22/23 Billings Way, Oregun,

Ikeja, Lagos.

Tel: +234-808 586 5700,

+234-817 198 7339

+234-802 478 9892-3

USA:

Christ Embassy Houston

8623 Hemlock Hill Drive

Houston Texas 77083

Tel: +1-281-829-4443;

+1-281-372-8100

CANADA:

4101 Steeles Ave W, Suite 204

Toronto, Ontario

Canada M3N 1V7

Tel: +1 416-667-9191

SOUTH AFRICA:

303, Pretoria Avenue

Cnr. Harley and Braam Fischer,

Randburg, Gauteng South Africa.

Tel: +27 11 3260971

+27 11 3260972

*email: [info@loveworldbooks.org](mailto:info@loveworldbooks.org)*

*website: [www.loveworldbooks.org](http://www.loveworldbooks.org)*

All rights reserved under International Copyright Law. Contents and/or cover may not be reproduced in whole or in part in any form without the express written permission of LoveWorld Publishing Ministry.

# VYA MKATI

1. KABILO KAKO KA UNENESHO	7
2. NDIWE CHILENGIWA CHIPYA	11
3. ULI NA KABILO NA UMOYO WA CHIUTA!	13
4. NDIWE ULUNJI WA CHIUTA!	17
5. NDIWE OLUNJIKISHIKA!	19
6. NDIWE OTUBISHIKA!	21
7. NDIWE OSATULIKA	23
8. MZUMU WA CHIUTA UKHALA MWA IWE!	25
9. PALA WASOVYA MUKACHITILO UCHI VICH	
MAGANIZO OZAMO MWA IWE?	27
10. UCHITA VICH PALA BANYAKO BAKALE-KALE BOYEZYA	
KUKUGONGOWESHA?	37
11. UCHITA VICH PA KUZIKIZIYIKA NA MASUZYO VYAKUZILA?	43
12. MUZIMU UTUBA NA IWE!	51
13. KASI UFWAYIKA KUPITA KU MPINGO?	61



## *Kwa Otemweka,*

Wachita makola pokhala na chawanangwa cha umoyo wa muyila-yila icho wipokela apo ukazomela Yesu Christu kuba Fumu na Mponoshi wako.

Nufwaya kugabana nawe unenesho uwo ngofwayika ku chipulikano cha Ukhristu; unenesho uwo ungazengapo umoyo okhola mwa Khristu. Belenga buku ili mofwasa ndipo likupenge umoyo wa muyila-yila.

Ni pemphelo lane kuti Chiuta wakupenge Muzimu wa Vinjelu na chivumbuzi mu umanyi wa iye; kuti meso ya kupulikisha kwako yajulike nomanya ukulu wa chilindizyo icho wekuchela umo chilili. Ndipo kuti umanyenge vyose vyopiwa kwa iwe mwa ulele mwa Khristu, Amen.

Buku ili likuvwilenge kuyamba umoyo upya

mwa Christu Yesu. Apo ulibelenga, malemba yopelekeka jibelengele mu Baibolo lako.

Nugomezya kuti uthenga uli mkati mwake uzyolenge umoyo wako nukuvwila kupanga umoyo wako wakunthazi kuba makola kulingana na zifundo za Mazyo ya Chiuta.

Chiuta akutumbike chomene mu Zina la Yesu. Amen.

*Mulisha Chris Oyakhilome*



## KABILO KAKO KA UNENESHO

Iwe ujumpha thupi ilo uwona. Ujumpha chikhokho icho chubisa mapulikilo yako (mapulikilo ya chinthu kununkhila, kulungwa, kukhwashika, kupulika nowona). Mukati mwako muli chinthu, mwapakati kuti waka munthu ojumpha thupi lako. Iye ni muzimu wako, ndipo ndiye kabilo kako ka unenesho.

Munthu wa mkati ndiye Baibolo luyowoyapo mu 1 Petulo 3:4 kuti, ***“Koma ufwayika kuba munthu obisoka wa mu***

***mtima, mwa uyo mulije ubudi, ndipo mzimu okhazikika nozika...”***

Pala thupi la munthu lafwa, mzimu upitilila kukhala. Iye ali waka nga ni umo munthu obila apo andafwe. Palije icho utayapo kufunylako waka kabilo kosebeza mu vinthu ivyo tingawona nokola. Thupi lake lingafwa kwene munthu wa mu mzimu ali nawo umanyi wose uwo akaba nawo apo akaba wa moyo. Yesu akayowoyapo nkhanu mu Luka 16 ya banthu babili abo bakafwa. Yumoza akaba wopempha-pempha zina lake Lazalo. Fundo njoti akaba opempha-pemoha yayi, kwene kuti nanga uli akaba mukavu, iye akaba na mtima ulunji. Apo akafwa, akatolekela mu chipakato cha Abulahamu. Munthu wachibili naye akafwa. Munthu yula akaba musambazi pa chalo chapasi kwe akakhala umoyo wa ulunji yayi.

Manya kuti akati wafwa, thupi lake

likawindilika pa chalo kwene Yesu akati, ku ng'anjo ya moto akalabisha nowona Lazalo pa chipakato cha Abulahamu ndipo akamumanya kuti ni lazalo. Ichi chung'anamula kuti iye akawonanga nipela. Nipela akachemelezya kwa Abulahamu kuti, "Nabeya nivwilani!" Wawona, akayowoyanga nipela. Abulahamu akamuzyola ndipo akapulika mazyo ya Abulahamu kung'anamula kuti akapulikanga nipela.

Musambazi yula akayowoyaso kuti akapulika nyota, akapulika waka nyota yayi kwene akabaso mu vyobinya vikulu. Nipela akapempha kuti, "Nabeya lekani Lazalo aze anipileko kalithonyezi ka maji kuti kusingo kuzizile." Paliso fundo linyake ukwenela kumanya apa, akapulikanga nipela vyobiinya.

Mapulikilo yake yose akasebezanga nipela. Kweneso akakumbukilanga nokumbukila vinthu chifukwa akayowoya kuti, "Nabeya tumaniko

munthu kufuma ku bokufwa akaphalazyile ba bale bane.” Akaba na ba bale bake ba nkonde pa chalo, ntheula iye akaganiza kuti ‘mwaleka pala munthu kufuma ku bokufwa angapita kwa ibo bakumugomezya.’ Akabakumbuka ba bale bake!

Ichi chukumanyisha kuti mzimu wa munthu upitilizya kukhala. Ndipo pala munthu wababikaso, ni mzimu wake uwo ubabikaso!

## **2 Ba Kolinto 5:17-18 yuyowoya kuti,**

*“Ntheula, pala munthu ali mwa Khristu, iye nchilengiwa chipya; vinthu vyakale vimala ndipo vyose vyukuba vipya. Nomba vinthu vyose nwa Chiuta uyo watiwezezyezyaso kwa iye yeka kupitila mwa Yesu Khristu ndipo watipa utebeti owezezyeyanaso.”*

## **NDIWE CHILENGIWA CHIPYA**

Nomba chifukwa wapeleka umoyo wako kwa Yesu Khristu nomupanga kuba Fumu ya moyo wako, uliso umo ukabila yayi. Ungawoneka chimoza pela kuwalo, kwene mukati ndiwe chilengiwa chipya. Icho ndicho Baibolo luyowoya kuti, 'Ndiwe chilengiwa chipya,' kuti uli nga nchilengiwa chipya yayi. Ndiwe olengekaso, chilengiwa icho chindabeko nakale (2 Ba Kolinto 5:17).

Ndiwe ozyoleka kufuma kuchinthu

chinyake yayi, iwe ndiwe chilengiwa chipya, munthu mupya. Ntheula unenesho woti ndiwe chilengiwa chipya mkati ching'anamula kuti kuwalo nako uwonekenge munyake yayi. Pala ukaba na sisi lifupi apo undababikeso, sisi libenge nipela lifupi. Ubenge na banja limoza nipela, na bazengezyani bamoza nipela.

Fundo mwapafupi ndakuti, nomba nkhalo yako yazyoka. Uli na nkhalo inyake chifukwa ndiwe munthu mupya mkati mwako

## **ULI NA KABILO NA UMOYO WA CHIUTA!**

Kuba obabikaso, Chiuta wakupa nkhongono yokuba mwana wake (Yohani 1:12). Kabilo ka Chiuta kabikika mu mzimu wa unthu wako. Nomba uli na umoyo upya, umoyo wa Chiuta uwo Yesu opeleka ku waliyose ogomezya mwa iye. Ni mwabi uli uwu! Iwe mwa ichi ndiwe yumoza wa botolako mpata ku kabilo ka Chiuta (2 Petulo 1:3-4). Chiuta now ndiye Tata wako. Munthowa uli? Kabilo kopangika nobabika; icho ndicho

chifukwa kachelelelo nyimbwa yubaba nyimbwa. Ndipo Yohani 1:12-13 yuyowoya kuti ***“Kwene naumo bangabila unandi abo bamupokela, kwa ibo wepeleka nkhangono yokuba ban aba Chiuta na kwa abo bagomezya pa Zina lake: abo bebabika na ndopa panji thupi, panji khumbilo la munthu yayi, kwene khumbilo la Chiuta.”***

Chiuta ali na magazoz ya upapi pa iwe. Ndiwe yumoza wa munyumba yake ndipo kuchanya ndiko kwako uko iye okhala.

Chiuta okupwelela iwe. Akupenge vyose ivyo ufwaya kulingana na usambazi wake wambula kumala mu uchindami kupitila mwa Yesu Khristu (Ba Filipi 4:19). Ali na ndondomeko iweme pa umoyo wako, iyo ikayamba kusebeza penepala ukati wababikaso. Ndiwe mwana wa chitemwa wa Chiuta Chitemwa ndipo wibabika mu banja ya chitemwa. Ichi ncho zilwa chomene. Wekupa umoyo uwu upya kuti



ube mwana wa mu Ufumu wake.

Baibolo lulangula kuti Chiuta wekupa umoyo wa muyila-yila. Uwu mbumoyo wa mkati mwa Chiuta, uwo ulenga kuti abe umo alili. Uwu mbumoyo wa mtundu wa Chiuta. Umoyo uwu ukalenga kuti dindi litondeke kumukolelela Yesu Khristu. Uwu mbumoyo wa chiuka, ndipo umoyo uwu uli mwa iwe nomba!

*"Ndipo ichi ndicho chilembeka kuti Chiuta wetipa umoyo wa muyila-yila ndipo umoyo uwu uli mu mwana wake. Vinthu ivi namulembelani kuti mugomezye pa Zina la Mwana wa Chiuta mwakuti mumanye kuti muli na umoyo wa muyila-yila ndipo kuti imwe mugomezye mu Zina la Mwana wa Chiuta," (1 Petulo 5:11-13).*

Ni uyo pela uyo ali na MWANA wa Chiuta

ndiye ali na umoyo uwu, chifukwa umoyo uwu uli mu Mwana wa Chiuta. Apo ukati wamupokela ukapokela umoyo uwu.

Umoyo uwu upangisha kuti chibe chambula machitiko kuti vyochitika vikutonde. Ukubika pachanya nyengo zose. Chiganizilepo! Nchambula machitiko kuti Chiuta atondeke panji kupalanyika. Nomba uli na umoyo wake: ungatondeka panji kupalanyika yayi chifukwa Mzumu umoza pela ndiwo ukausha Yesu Khristu kufuma ku nyifwa ndiwo uli mwa iwe! (Ba Roma 8:11).

## NDIWE ULUNJI WA CHIUTA!

2 Ba Kolinto 5:21 yuyowoya kuti, *“Chifukwa emuzyola iye kuba kwananga pa ise, uyo akamanya yayi kwananga; kuti tibe balunji ba Chiuta mwa iye.”*

Ganizapo pa Chiuta kufunyapo uyo akafwayika kuba apa kumubika panyake notola munyake kumuletapo. Akapanga Yesu kuba kwananga iyo ni sembe ya kwananga pa ise, mwakuti tibe ulunji wa Chiuta mwa iye.

Ichi ndicho chikapanga Yesu kufwa nyifwa

ya bakwananga mu malo mwako. Umalilo wake ngoti nomba unga milila panthazi za Chiuta kwambula maganizo yojisusha, mwezo panji kusulika (Ba Hebeli 10:19, Ba Roma 5:1).

## NDIWE OLUNJI SHIKA!

Kasi chung'anamula vichi kuba olunjishika? Chung'anamula kuba olangulika wambula kusushika panji kuba wambula mulandu. Kulingana na Chiuta, iwe ndiwe osushika panji wa mulandu uliwosa yayi. Baibolo yuyowoya kuti ***"Ntheula kuba olunjishika na chigomezoyo, tili na mtende na Chiuta kupitila mwa Yesu Khristu,"*** , (Ba Roma 5:1). Iwe wilunjishika!

Yesu akatola kulangika kwa kwananga

kwako apo akafwa pa mphinjika, nanga uli akaba wambula kusushika kwa kwananga kulikose (1 Petulo 2:22). Icho ndicho chifukwa Chiuta osungilila yayi kwananga kwako pa iwe. Baibolo luyowoya kuti

*“Kuphalazya kuti Chiuta akaba mwa Khristu, kuwezyzyaso chalo kwa iye yeka, kwambula kubika kwananga kwawo pa ibo; ndipo iye wapeleka kwa ise mazyo yowezyezyanaso” (2 Ba Kolinto 5:19).*

## NDIWE OTUBISHIKA!

Tiye tiganizile pa nyengo idoko kuti iwe wawila mu chikhululu, watuwuluka ndipo munthu munyake waza nokuwombola, wakufunya mu chikhululu. Cholondapo nchakuti ujiphate-phate. Kuchiyowoya mu nthowa inyake, **1 Kolinto 6:11** yuyowoya kuti1,

*"...kwene ndimwe bosukika, kwe  
mutubishikaso, kwene ndimwe*

*bolunjishika mu Zina la Fumu Yesu  
ndipo na Mzimu wa Chiuta.”*

Kutubishika kuli mu vigaba vibili. Choyamba, Chiuta okufunya mu chikhululu, icho chung'anamula kuti ndiwe obabikaso ndipo penepapo Baibolo lukullangula kuba otubishika, opatulika kufuma ku chalo kukubika kwa Chiuta. Nipela ufunyamo chikhululu mu maganizo yako popeleka maganizo yako ku kusukika kupitila mu Mazyo ya Chiuta (Ba Roma 12:2).

Kusukika kwa maganizo yako ni nthowa yopitilila. Maganizo yako yakasambizyika kuganiza mu nthowa imoza: nthowa yowona vinthu apo undagomezye. Nomba posuka maganizo yako, uzomelezya maganizo yako kuwona vinthu mu umo Chiuta oviwonela. Usambizyaso maganizo yako kuwona vinthu umo Chiuta oviwonela. Nipela uyowoyenge mazyo ya Chiuta, nthowa za Chiuta notola vyofumamo ivyo otola kufuma mu Mazyo yake.



## NDIWE OSATULIKA!

*“Kupeleka vibongo kwa Tata uyo wati-  
panga kukumana nabo botolako mbali  
mu uhaalili wa bosankhika mu ungwelu:  
Uyo watisatula ku nkhangono ya chisi  
ntizyolela ku ufumu wa Mwana wake  
otemweka,” (Ba Kolose 1:12-13). .*

Kufuma pa nyengo iyo ukapelekela umoyo wako ku Fumu Yesu Khristu, ukakhala umoza w aba mu Ufumu wa Chiuta. Palije chibanda chokonkhomoka mu ng’anjo ya

moto chingakupweteka nomba. Ndiwe osatulikako ku phangano lililose ilo ukanjilamo kwambula kumanya panji na umanyi wako. Ndiwe osatulika kufuma ku nkhalo yihene iliyose, kwananga, ulwali panji nthenda iyo ikakukolelela. Chifukwa uli? Chifukwa wisatulikako ku nkhangono ya chisi!

Baibolo yuyowoya kuti Chiuta wakusatula ku ulamulili wa chisi nokuzyolela ku ufumu wake. Ufwayika kubaso na mwezo yayi. Chiuta ndiye Mlisha wako ndipo uvikilili wake uli pa iwe nyengo zose (Masalimo 23:1).

Baibolo luyowoya kuti, ***“Pala Mwana wakusatula, ubenge nadi osatulika”*** (Yohani 8:36). Chiuta wakupeleka mu Ufumu wake umo iwe nomba uli, ayo ndiwo malo yako. Ndiwe osatulika kale ku nkhangono ya chisi. Manya kuti aya ni mazyo yoyowoyeka nyengo ya kumasinda, ndiwe osatulika kale ku nkhangono ya chisi!

## **MZIMU WA CHIUTA UKHALA MWA IWE!**

Chigaba chinyake chozilwa mu umoyo upya nchoti Mzimu wa Chiuta ukhala mwa iwe. Pala Mzimu wa Chiuta watola malo yake mwa iwe ukumanyisha iwe mazyo ya Chiuta nokupa kupulikisha kwa mazyo ya Chiuta.

Nomba apo ubelenga Baibolo, ukuba na kapulikishilo kapyo mu mzimu wako; yukhala yosebezesheka mu umoyo wako.

Chinthu chinyake icho Mzimu Utuba uchita nkhekukumbusha za Mazyo ya Chiuta (Yohani14:26). Kusazyilapo ukupa nkhangono

kuti upanikiziyile mofikapo za uthenga wa Yesu Khristu.

*“Kwene muzamupokela Mzimu Utuba, pala Mzimu Utiba waza pa imwe, muzamkuba bakanoni bane mu Yerusalemu pamo na mu Yudeya yose, Samaliya na chalo chose” (Nchito za Botumika 1:8).*

## UCHITA VICHIPALA...

### *MAGANIZO YAHENE YAKUNJILA*

Kubabikaso kulesha kuyezyaka yayi, kwene ufwayika yayi kutondeka chiyezyo. Baibolo lutisambizya kuti nyengo iliyose tayezyeka, Chiuta kachelelelo ojula nthowa yochimbililamo (1 Ba Kolinto 10:13). Nomba pala maganizo yahene yakunjila, ufwayika:

(1) KUMBUKA KUTI NDIWE  
CHILENGIWA CHIPYA

Maganizo aya yokwiza pa iwe kufuma

kuwalo, kabilo ka chiyezyo kufuma kwa satana. Uypanga waka mu maganizo yako yayi chomene-chomene nomba kuti ndiwe obabikaso. Baibolo luyowoya kuti ndise bogomezya bobabikaso abo bali na maganizo ya Khristu (1 Ba Kolinto 2:16). Ukwenela kukumbuka uyo uli nomba, kuti ndiwe chilengiwa chipya! Chiuta ofwaya kuti nyengo zose tikumbukenge kuti ndise belengekaso ndipo kuti wetipa umoyo upya. Uwu umoyo upya ndiwo ufwayika kugomezyamo. .

## (2) NDANGA MU KUPULIKILA

Pulikila Chiuta! Tiye tichitole kuti maganizo ya kaluso kahene yaza pa iwe. Ukhala ututuziyoka chomene kuchita chambula kwenelela chila; ungayamba noyamba nthowa yochitilamo chambula kwenelela chila. Kwene penepala wakumbukila kuti ndiwe obabikaso, munthu mupya, penepala ukuba na mazaza

kuleka kuchita luso lila lihene

Pulikila Chiuta! Umanya, kuba obabikaso kung'anamula kuti magamizo yahene yalekenge kwiza pa iwe yayi kwene fundo ndakuti uleke kuyazomelezya kukukolelela. Yakane! Munthu munyake weyowoya kale makola kuti, l'ungatulesha yayi tuyuni kubuka pa mutu wako, kwene ungatulesha kuzengapo chivwimbo panji chisa pa mutu.

Ungakwanisha yayi kulesha maganizo yahene kwiza chifukwa ni nkhongono yakuwalo, kwene ungayalesha kukhala mwa iwe. Kuzomelezya maganizo yahene kukhala mwa iwe yayi, leka kuyazomelezya kuba na ulamulilo pa iwe. Ungayalesha poganizila pa vinthu viweme mumalo mwake (Ba Filipi 4:8).

Tichitole kuti ndiwe ochitako ma sikechi ndipo waphalilika kuba namayo nanga uli ndiwe mwanalume. Uvwalenge delesi la namayo na wigi nochita nga ndiwe namayo

kwene uluwa yayi kuti ndiwe mwanalume pa umalilo wa sikechi. Pala wafuma kunthazi upitenge ku chipinda kuyovwala vyovwala vyako ivyo ukwenda navyo pa museu. Pala wauka pa Mande popita ku nchito uluwa yayi kuti ndiwe mwanalume. Uyowonge mwachanalume nokhala mwa ntheula. Kubenge kutangwanika panji kupusa kupita kunchito nopitilizya kuyowoya noyamba kuwonesha nga ndiwe namayo umo ukachitila mu sikechi zuba linyake.

Chimoza pela nchamachitiko kwa iwe nomba. Ukachita vwambila kwenelela apo ukaba undababikeso, kwene nomba uli na umoyo upya. Uwo umoyo upya ndiwo ukwenela kukhala nomba. Wakhala ochita nga vyambula kwenelela kwa nyengo itali ndipo nyengo zinyake ujiliwa noyamba kukhala nga ni munthu wambula kwenelela. Kwene ukumbukila kuti ndiwe obabikaso nolongosola



vichitiko vyako. Ujiwelamo noyowoya kuti, “Yaba! Ndine munthu wambula kwenelela yayi, nili mu vya chalo yayi; nikwenela kuchita vyolongosoka!”

Umo ndimo ungaleshela luso lihene. Jiphalile kuti, “Ine ndine obabikaso. Ako ndiko kabilo kane!” naumo mose luso lingabila, pala wakumbuka, LEKA! Jiphalile kuti, “Ndine obabikaso! Leka ichi nomba!”

Kuzomelezya nkhalo ya kwananga kupitilila yayi, ndipo kupulika soni kuphalila uyo ulimo naye mu luso panji nkhalo ila yayi. Yowoya kuti, “Ah, nigowokeleko ningachita ichi yayi ndine obabikaso.” Luwako maluso yahene pochitilamo naluso yaweme. Chichitile waka mwa dala. Fwayishisha nkhalo ziweme mu Mazyo ya Chiuta nojisambizya kupitila mu kuchita

### (3) KHALA OCHITA, SABEZESHA MAZYO YA CHIUTA!

Chiuta ofwaya yayi kuti tibe waka bopulika kwene bosebzesha Mazyo yake:

*“Kwene bani bosebzesha mazyo, kuba waka bopulikizya yayi kuti mujizyangenge mweka. Chifukwa uyo yose opulikizya waka kwambula kuyasebezsha ali waka nga ni munthu uyo ojilabisha mu chilola kufuma waka penepapo ojiluwa umo owonekela” (Yak-hobe 1:22-24).*

Ukuba osebezsha Mazyo pala uyakumbuka noyachita mofwayikila. Ndipo kachelelelo uyakumbukilenge. Icho nchimoza mwa ivyo Mzimu wa Chiuta uchita mwa ise. Yesu akati, “Kwene mpembuzi uyo ni

Mzimu Utuba uwo Atata bakumtumilani mu Zina lane uzakumsambizyani vinthu vyose nomukumbushani vyose ivi namphalilani.” (Yohani 14:26).

Tuwonga Chiuta Mzimu Utube wipano; Otiwila ku kumbukila Mazyo! Nomba pala wakumbukila Mazyo ufwayika kuyasebezesha. Kusuzika nokumbukila yayi, Mzimu Utuba ukukumbushenge. Kwene nyengo zose ukwenela kuba onozyeka kumpulikila pala wakukumbusha unenesho uliwise mu maganizo yako

#### (4) KUMBUKA KUTI KWANANGA KUBENGE NA ULAMULILI YAYI PA IWE

Ukwenela kukumbuka chinthu chimoza: maganizo yahene yalije mazaza pa iwe apo undayalamulile

*“Chifukwa kwananga kubenge na mazaza pa iwe yayi...”* (Ba Rooma 6:14). Kwananga kungatola ufumu pa iwe yayi. Kubenge na mazaza yayi chifukwa uli pasi pa Lamulo yayi kwene wezi. Icho ndicho Baibolo luyowoya pa iwe.

Chiuta wakusatula ku nkhangono ya chisi na kwananga, nokupeleka mu Ufumu wake:

*“Kupeleka vibongo kwa Tata uyo watipanga kuba bamoza ba uhalili wa bosankhila ba mu ungwelu: watisatula ku nkhangono ya chisi notizyolela ku ufumu wa Mwana wake otemweka:”*  
(2 Ba Kolose 1:12-13).

Uko ndiko iwe uli nomba chifukwa wababikaso. Icho ndicho chifukwa nkhangono za chisi zilijeso mazaza pa iwe, zili mu malo ya kwananga, iwe ili mu malo ya umoyo wa Chiuta uwo ujumphira kwananga. Nomba wawona kuti

ziliye ulamulilo pa iwe.

Ba Kolose 1:14 yuyowoya kuti, ***“Mwa iye tili na chiponosho kupitila mu ndopa zake, na chigowokelo cha za kwananga.”*** Mwa Yesu tili na chiponosho. Ichi ndicho chinthu icho tili nacho pa zuba lino (Ba Kolose 2:5-6). Tuyezya kuba nacho yayi, tili nacho! Tufwayika kusungilia ganizo la Mazyo ya Chiuta nosangulukilamo



## UCHITA VICHIPALA ...

*BANYAKO BAKALE-KALE BOYEZYA  
KUKUGONGOWESHA?*

Nomba umo ulili obabikaso, ndiwe yumoza wa banja lipya. Ndiwesoyumoza wa banja la kale yayi. Ichi chung'anamula kuti ubatayilethu banyako bakale yayi panji kubakana. Ufwayika kuba ungwelu kwa ibo. Ibo bachali mu chisi chifukwa balije Yesu mu mtima yabo. Ukwenela kukumbukila kuti iwe wakhala ungwelu wa Chiuta kwa ibo. Gabana nabo Uthenga Uweme kuti nabo bangamlonda

Yesu.

Ukwenela kuchita vichi pala bofwaya kukugongowesha? Baibolo luyowoya kuti mu mazuba ya umalilo kuzamkuba banthu bogongowesha abo bazamchita chilichose chambula kwenelela icho banga ganiza noseka unenesho (2 Petulo 3:3-4).

Boseka unenesho ni abo bofwaya kukugongowesha nokupelekasu ku umoyo wa kale, kwe ukwenela kukana kundeshewa na ibo kana nkhalo yabo ndipo milila mu wenenawene na Khristu. Kana kuba okakikililika nabo pamoza. Kuzomela ulongozi wabo yayi. Kwene iwe khalilila mwa Chiuta na Mazyo yake.

## KUKAKILILIKA PA JOKO KOPAMBANA

Mu mazuba yoyambila ulimi, balimi bakakakililanga ng'ombe zibili nobikako jembe. Ng'ombe zibili zikalimanga apo zikandanga pamoza. Chifukwa zikakakililika pamoza, izo



zikandandanga kulazya kumoza uko kose yoyamba ikapitanga, yachibili ikalondanga. Mlimi akazilongozyanga ndipo zikandanga kulazya kumoza apo pela zikaba zokakililika ku joko imoza.

Nomba zose zikaba nyama za mtundu umoza kukachemekanga kuti kukakililika pa joko kolingana kwene pala zikaba zopambana, kukachemekanga kuti, kukakililika pa joko kopambana. Pala tufwaya kuba pamoza na waliyose, waliyose uyu ofwaika kuba olingana nase. Mukhristu na Mukhristu pamoza. Kwene pala ni Mukhristu na wambula kugomezya, uku nkhuba pamoza kopambana. Ndipo Chiuta oyowoya kuti, “Lekani kuba bokakililika pa joko kopambana na banthu bambula ku gomezya” (2 Ba Kolinto 6:14-16).

Nomba uwona kuti pala iwe na wambula kugomezya muli pa wenena wene, kukhala umoyo umoza ndiko kuti muli pamoza

kopambana ndipo pali chosovyeka. Chiuta ofwaya yayi kuti ube mu wenenawene nga ni uwu kwene ube pamoza na Bakhristu banyako, kuchita vyolingana. Bambula kugomezya bangaba banyako dyakapo nane nidyakepo yayi. Nanga uli munthu uyo angaba na nkhalo yiweme uli apo pela ngwambula kubabikaso, angabapo mnyako yayi.

Nchamachitiko nozomelezyeka yayi panthazi za Chiuta chifukwa pali kupambana. Kawonelo kako pa munthu kangalinganapo yayi na kawonelo ka Chiuta.

Nyengo yimoza, Chiuta akatuma Samuyelee ku nyumba ya Jese kuyozozza yumoza mwa bana bake kuba Fumu ya Isilayeli (1 Samuyelee 16:1-13). Apo samuyelee akawona mwana wa Jese oyamba, Eliyabu, iye akati, “Nadi uyu owoneka kuti ndiye azozeka panthazi pa Chiuta,” chifukwa iye akaba wa thupi, mutali ndipo owoneka makola pa chisho. Kwene

Chiuta akayowoya naye nchimi Samuyele kuti, Kumuzoza yayi chifukwa namukana.” Nipela akayowoya kuti, “Chifukwa munthu olabisha kawonekelo ka kuwalo kwene Fumu yulabisha pa mtima, mkati mwa munthu.” Ntheula kawonelo kako pa munthu chomene-chomene nkhamuwalo, ivyo oyowoya, mawonekelo, kandelo navinyake... ungapanga maganizo yaliyose pa munthu uyo kulingana na ivi kwene Chiuta olabisha pa kawonekelo ka mkati.

Wambila kubabikaso alije mzimu wokwenelela na Chiuta, nthowa yimoza pela iyo munthu angabilamo okwenelela kwa Chiuta nkhubabikaso. Iyi ndiyo nyengo yeka iyo munthu okuba okwenela kuba mnyako dyakapo nane nidyakapo. Apo andababikaso, angaba mnyako yayi chifukwa ofikapo yayi pa mpimo wa Chiuta kuba mnyako. Nomba chifukwa ndiwe obabikaso, khumbilo lako lukwenela kuba lokondweshwa Chiuta, ntheula

ufwayika kusebezesha mpimo wako yayi mu kawonelo ka vinthu. Icho nchozilwa chomene.

Sungilila mtima wako pa ivyo nvya Chiuta ndipo akupoloteshege (1 Ba Kolinto 10:13).

.

## UCHITA VICHİ PALA....

*KUZIKIZIYIKA NA MASUZYO VYAKUWILA?*

Mu Mariko 4:1-9 Yesu akatiphalila nthaliika ya m'miji wa mbewu. Munthu yula akapita kuyomija mbewu yake ndipo yinyake ikawila pa malo ya myala, yinyake yikawila pa malo yomila, apo yinyake ikawila mu malo ya minga ndipo yinyake yikawila pa dongo liweme. Mu mizele ya 16 na 17, Baibolo yuyowoya kuti,

*"Ndipo aba naboso ni abo bakamijika pa malo ya myala; abo pala bapulika mazyo*

*penepapo bopokela nosanguluka ndipo  
baliye misisi mwa ibo beka mwantheula  
pala waka papita kanyengo, pala masu-  
zyo yabawila panji bakhala bozikizyika  
pa chifukwa cha mazyo penepapo ibo  
bokhubazyika.”*

Oyowoya pa abo baliye misisi mwa ibo beka, ntheula ibo bozipizya masuzyo pa kanyongo kado waka. Oyowya kuti nangauli banthu aba bangapokela mazyo na khumbilo likulu chomene, pala masuzyo panji kuzikizyika kwabawila pa chifukwa cha Mazyo ya Chiuta, ibo bokhubazyika. Ichi chachitika ku banthu bandi.

Icho Yesu oyowoyapo aoa nchakuti kuli nsdi banthu banandi abo mwa unenesho baliye chitemwa chofikapo pa iye. Bosangwa na mazyo ya Chiuta pa chifukwa waka cha malayi ayo yalimo ya umoyo wa muyila-yila, kuba osangwa ndipo na malulombo zozyoleka kwene

mwa unesho balije chitemwa chofikapo pa Chiuta. Nipela masuzyo panji kuzikizyika kwabawila, ibo bowelela kumasinda. Ichi ncha chitima! Pala masuzyo nozikizyika vyaza icho ukwenela kuchita nkhulonda Mazyo

:

# (1) UKENELA KUBA NA CHITEMWA CHOFIKAPO CHA CHIUTA

Chiuta ofwaya kuti ube na chitemwa chofikapo ndipo cha nkhongono pa iye. Chitemwa chingakulilako panji kuchepelako. Pala umuganizilapo chomene, kupulikizya chomene mazyo yake nokhala na wenenawene na iye mu kulomba, ubenge na chitemwa chikulu chomene pa iye chifukwa chitemwa chukulilako kulingana na umanyi.

Pala wamumanya chomene Chiuta, nomutemwa umutemwa chomene. Pala upulikizya chomene ku mazyo yake,

umanyenge vinandi pa iye no mutemwa umutemwenge chomene ndipo upokelenge vinandi vya iye.

Pala winachitemwa chankhongono nga ni ichi pa Chiuta, mazyo yake yopanga misisi mu mtima wako mwakuti pala wakumana na masuzyo yaliyose, umanyenge icho Chiuta ochita pa suzyo ila ndipo mokwenelela ulangula umo Chiuta oliwonela suzyo ila.

Zinthalika 18:20-21 yuyowoya kuti umoyo na nyifwa vili mu nkhangono ya lulimi ndipo kuti kufuma pa vinandi vya mu mtima, mulomo uyowoya (Mateyo 12:34-35, 37). Pala wazuzya mtima wako na mazyo ya Chiuta, umo mose vinthu vinga bila, uwonenge vinthu kulingana na umo Chiuta oviwonela ndipo uyowoyenge kulingana na umo Chiuta angayowoyela. Ndipo icho wayowoya chifishikenge!



## (2) KUTAYA MTIMA YAYI!

Kutaya mtima yayi pa masuzyo yaza! Kuba obabikaso kung'anamula kuti masuzyo yalekenge kwiza yayi panji kuti kubevyenge viyezyo. Ching'anamulo nchakuti pakati pa masuzyo Chiuta akupitishengemo. Naumo chili mu Masalimo 23:5, "Munipekanyila chakulya panthazi pa balwani bane..." unga mkati mu ubapo wa balwani bako kwene bangakupweteka yayi, ndipo kuzikizyika kungapweteka umoyo wako yayi.

Chiuta ofwaya yayi kuti iwe utaye mtima noleka. Ufwayika kumilila mwankhongono! Naumo mose vinthu vingasuzyila, kutaya mtima yayi! Chiuta akupitishengemo, kugongowesheka yayi. Khalilila kugomezya mwa iye ndipo akuchizyenge soni panji ku kutaya yayi. Utondenge masuzyo yose ya

umoyo chifukwa iyo yoyamba ku kupulikila Esaya 43:2 yuyowoya kuti pala wapita mu maji yakubizyenge yayi ndipo pala wapiti mu moto, ukuwochenge yayi. Pala walondezya Yesu Khristu, kumsabezela na mtima wako wose, kwambula kulabisha pa masuzyo mlondezye.

*“Kwene viwongo kwa Chiuta, uyo wetipa kutonda kupitila mwa Fumu Yesu Khristu. Ntheula mwabotemweka mililani kwambula kwendesheka kechelelelo kukhalilila mu nchito ya Chiuta naumo mumanyila kale kuti nchito yinu njambula phindu yayi mwa Fumu” (I Bakolinto 15:57-58).*

Wawona kuti Chiuta wetipa kutonda kupitila mwa Fumu yithu Yesu Khristu, ntheula ise tingabapo botondeka yayi. Belenga 1 Yohani 5:4 mofwasa; yuyowoya pa kutonda kwa chalo ichi uko kuli mu chipulikano chithu. Khala mu chipulikano, ndiwe otonda, ndiwe otondeka yayi. Ukababika otondachifukwa

ndiwe obabika mwa Chiuta. Ndiwe mphapo  
ya Chiuta, obabika mu Mzimu wake!



## MZIMU UTUBA NA IWE

**Kubabikaso knhubabika mu Mzimu wa Chiuta** (1 Bakolinto 12:13, Yohani 3:5-8). Pala ndiwe obabikaso Mzimu utuba ukhala chibalwa cha mkati mwa umoyo wak, ntheula ukwenela kum'anya ndiposo nomanya nchito yake mu umoyo wako.

Ukwenela kumanya icho wezila kuleta mu kwa iwe kuti usangwe na umoyo ofikapo uwo ngopelekeka mwa Khristu nopokela chawanangwa (1 Bakolinto 12:8-10) na

nkhongono (Luka 24:49, Nchito za Botumika 1:4-8) yopelekeka kwa iwe kupitila mwa iye.

## **MZIMU UTUBA NI NJANI?**

Mu vigaba vinandi vya Baibolo, tusanga kuzunulika kwa Mzimu Utuba.

- Mu Chipangano cha Kale, tumuwo iye kubika nkhongono na kukwanilisha kuchita vyodabwisha (Judges 14:6, 19).
- Mu Phangano Lipya, tumuwona chomeneso mu kubadwa, utebeti na umoyo wa Yesu (Luka 4:18).
- Mzimu Utuba uwonekaso mu Nchito za Botumika 2:1-4 mu kusebeza mu umoyo w aba sambili ba Yesu.
- Iye ni Chiuta. Ni munthu wa mu uchiuta ndipo wa chitatu pa batatu, Chiuta umoza (Yohani 14:16-17. Yohani 15:26).
- Iye akabako kufuma kale-kale

(Genezesi 1:2)

- Iye nchilongolelo cha nkhangono ya Chiuta. Munthowa inyake iye chigaba cha Chiuta icho chuchita mazyo yose ayo Chiuta Tata wayowoya (Genesis 1).
- Iye ni Mzimu wa chitemwa, nkhangono na kaganizilo kakwenelela (2 Timoti 1:7).
- Iye ni Mzimu wa wosatula (2 Bakolinto 3:17).

## ICHO MZIMU UTUBA ULI YAYI

Nchokwenelela kumanya kuti Mzimu Utuba ni nkhangono yochichizya yayi, nchimutunga yayi, ni mafuta panji nkunda yayi nanga uli mu Malemba tumuwona iye kuwonekela mu kabilo ka ntheula. Iye ni malulimi yayi nanga uli opeleka mayowoyelo. Iye ni nkhangono yayi kwe oleta kwa ise nkhangono ya Chiuta. Iye ni Mzimu womupelekani mu uzya wa

mwezo yayi (Baroma 8:15), kwene kusatulika (2 Bakolinto 3:17).

## NCHIFUKWA ULI TUFWAYIKA KUBA NA MZIMU UTUBA?

- Mzimu Utuba utipa nkhongono ya uchiuta (Nchito za Botumika 1:8). Lizyo loti nkhongono lifuma ku lizyo la mu chyowoyelo cha Chigiliki, 'dunamis.' Lizyo ili lung'anamula kuti kabilo kopangisha vinthu kuzyoka. Ni apo Mzimu Utuba waza kukhala mwa ise. Otipa kabilo kozyola vinthu mu umoyo withu na mu umoyo wa banthu banyake.
- Otipa chikanga chophalazya Makani ya weme (Mateyo 28: 18- 20, Maliko 16:15-18).
- Otidanjilila notilongozya (Yohani 16:13, Baroma 8:14).
- Otipembuzya (Yohani 14:18, Nchito za Botumika 9:31).



- Otipa vyochita notisambizya (Yohani 14:26, 1 Bakolinto 2:11-12).
- Okwenda nase nokhala yumoza wa moyo winthu nyengo zose (Yohani 14:16).
- Ochitila ukaboni na mizimu yithu kuti ndise bana ba Chiuta ndipo kuba bamoza botolako mbali ku chuma chake mwa Yesu Khristu (Baroma 8:16; Baefeso 3:6).
- Otipa mtende opita kwa pantazi za Chiuta mu chitemwa (Baroma 8:15, 2 Bakolinto 3:17, 2 Timoti 1:7).

## UNGABA NAWO WENENAWENE NA MZIMU UTUBA

Mu Yohani 14:17, Yesu oyowoya kuti

*"Na Mzimu wa unenesho, uwo chalo*

*chinga upokela yayi chifukwa chu mu-  
wona yayi panji kumumanya: kwene  
imwe mum'anya chifukwa okhala mwa  
imwe ndipo abenge mwa imwe.”*

Kuba na wenenawene na Mzimu Utuba nkhumanya ubapo wake nozomela utebeti wake mu umoyo wako. Ntheula ufwayika kuba na nyengo kuyowoyeshana naye nomumanya kuti nimyako. Ungaba nawo wenenawene pokhala na nyengo yolomba, kubelenga Mazyo nopulikila mayowoyelo yake.

Pala wababikaso ukuba obatizika mu Mzimu wa Chiuta. Kubatizika kung'anamula kubizyika mu chinthu. Mwa chiyelezyelo ungatola ka bola ka mphila mu chibafa chikulu cha maji mwakuti ka bola kose kabizyike mu maji. Ichi ndicho chuchitika pala wa babikaso, ukuba obizyika mu Mzimu Utuba nga nkha bola.

Kwene umanya kuti nchinthu chopambana

kuti kabola kabizyike bizyike mu maji nozuzyikilathu ndiposo no bizyikaso na maji. Kuti kabola kazuziyike, pofwayika kuba nthowa yoti maji yanjilile mkati mwake. Munthowa inyake, icho kabola kepangikila chufwayika kuzomelezya maji kunjila. Mu nthowa yimoza pela, pala wababikaso ufyayika kupokela Mzimu Utuba mwa iwe nozuzyika na iye.

Mowezezyapo, kuzuziyika na Mzimu Utuba kuchitika wa kamoza pela yayi mu umoyo. Nchinthu chochitika mopitilila nyengo na nyengo (Baefeso 5:8). Ichi chupalananko na umanyi wako wa ubapo wake nozomelezya kwako kopitilila kwa utebeti wake mu umoyo wako. Ungaba opitilila ku kuzuziyika na Mzimu Utuba apo iwe ukula mu wenenanawene na iye kupitila mu malumbo, malombo, kubelenga kwa mazyo nopitilizya kulondezwa ulongozi wake mukachitilo ka vinthu na mapilikilo. Mu nthowa iyi, unga dangililika na Mzimu wa

## Chiuta

### SKUYOWOYA MU MALULIMI

Na umo nanguyowoyela poyamba, Mzimu Utuba upasa ban aba Chiuta mayowoyelo mu malulimi yanyake. Chimoza mwa vilongolelo icho Fumu ikayowoya kuti chizamulonda bogomezya nchakuti bazamuyowoya mu malulimi (Maliko 16:17).

Kukwanisha uku nkhwa uzimu uko ogomezya osebezesha kuyowoyeshana na Chiuta kwambula kupita mu mphepete kufuma mu mzimu wake ndipo kobikika na Mzimu pa iwe kuba chawanangwa.

Kuyowoya mu malulimi yanyake nyengo zinya kuchemeka kuti, 'Kulomba mu Mzimu.' Pala tuyowoya mu malulimi tuyowoya waka na Chiuta mweneko (1 Bakolinto 14:4) ndipo

mizimu yithu yu khozyeka nozengeka (Judi 1:20). Mizimu yithu yubaso na nkhangono nosisimphuka (Esaya 40:31).

Pala wapokela waka Mzimu Utuba, ungalomba mu malulimi inyengo iliyose ufwaya. Oyowoyela mwa iwe yayi, kwene okupa kayowoyelo, mwakuti ungayowoyeshana na Chiuta mu malulimi apo pose wafwayila.

Pala wayamba kuyowoya mu ma lulimi, uyowoya mwambula kugota-gota apo ukuba ochita nyengo na nyengo. Chili waka nga ni mwana mudoko uyo wasambilila kuyowoya mazyo yoyamba yadoko. Kulingana na umo opitilizyila kuyowoya iye oyamba kuyowoya makola. Nchimoza pela noyowoya mu malulimi. Nchiowoyelo chipya ndipo nanga uli ufwayika yayi kuchisambila, uyowoya makola apo upitilizya kuyowoya. Ndiposo pala uyowoya mu malulimi pa fupi pa fupi, chulengesha mzimu wako ku kulilako nokopeleka mu

vyawanangwa vinyake novumbukwa kwa  
Mzimu wa Chiuta

## **KASI UFWAYIKA KUPITA KU MPINGO?**

Mu Mateyo 16:18, Yesu akayowoya ku mpingo wake uwo ni thupi lake pachalo ndipo akati auzengenge ndipo vipata vya nyanjo ya moto viutondenge yayi. .

*"Na umo chilili kuti thupi ndimoza kwene na vibalwa vinandi ndipo na vibalwa vinandi ku thupi limoza, kuba vinandi, ni thupi limoza: ntheula ndimo Khristu alili. Chifukwa kupitila mu*

*Mzimu umoza mose mwibatizika mu thupi limoza, panji ndise Bayuda panji ba mitundu, ndise bokakika panji bambula kukakika tose tipangika bokumwa ku Mzimu umoza. Chifukwa thupi nchibalwa chimoza waka yayi kwene vinandi” (1 Bakolinto 12:12-14).*

Ndise thupi ndipo Khristu ni mutu. Bakhristu bose bobabikaso nvibalwa vya thupi limoza (1 Bakolinto 12:27). Nga ni umo chilili waka kuti chibalwa chingasebeza pa ichi cheka yayi, vibalwa vya thupi la Yesu Khristu vinga sebeza yayi chilichose pa cheka. Ichi nchifukwa choti Chiuta akapeleka vyawanangwa vyopambana na nchemo zopambana ku banthu bopambana mu mpingo kuti mpingo uphinduleko (1 Bakolinto 12:18-24; Baefeso 4:11-12).

Kupita ku mpingo mwa ichi nkhopulikila khumbilo la Chiuta ndipo kulenga iwe kutumbikika nochishana na banyakoba vya wanangwa vya Chiuta vyopambana, vya



minthondwe, kupoza, uchimi na vinandi. Iwe ukuba opulikisha mazyo yosambizyika ku mpingo kupulika vipanikizyo nowona vya minthondwe. Kulomba nosopa pamoza kuleta uphakazi wapamoza wa Mzimu Utuba kutebeta ku yumoza na munyake mu kabilo kobikika (Bahebeli 10:25; Nchito za Botumika 1:14; Masalimo 133:1-2),

Kwenda mu mazyo ya Chiuta pa iwe weka nchinthu chosuziyapala upita yayi ku mpingo ozuziyika na Mzimu Utuba. Kutolako mbali kofikapo mu vichitiko vya pa mpingo chulengasha iwe kuti uumanye makola mpingo na banthu bake. Naweso ukuzya mzimu wako (munthu wa mkati). Ichi chulenga kwenda kwako mu mazyo kuba kupusu nokhala kwa phindu.

Kuba M'khristu ufwayika kumanyikwa na mpingo uko ukhala, mpingo uwo ungachema kuti panyumba pako notolako mbali mofikapo ku vyochitika. Pala undachite

ichi, ujifunyengeto weka ku vitumbiko vinandi  
ivya Chiuta ndipo ufumengemo mu mazyo  
yake.

Nomba chifukwa ndiwe obabikaso, yamab  
kwenda mu umanyi wa uyo iwe uli kwambula  
kuleka kukumana pamoza na bogomezya  
banyako (Bahebali 10:25) – pita ku mpingo!

forsake the assembly of the saints (Hebrews  
10:25) - Go to church!



# KU KULA

Baibolo lutichisha kuti, ***“Sambila kuti ujilongo kuba ozomelezyeka kwa Chiuta, wanchito uyo ofwayika yayi kuchizyika soni, omanya kusanda-sanda malemba ya unenesho”*** (2 Timoti 2:15). Ndipo kuli mabuku yanyake ayo ningakuphalila kuti ubelenge kuti mzimu wako ukule. Kuli visambizyo na vivumbizi vinyake ivyo vipangikila kukulongozya na umo ungabili obamika vipambi mu vigaba vyose vya umoyo wako. Ichi chipangishenge kuti chipulikano mu mtima wako chiuke.

Yatole mabuku aya. Yabelenge, sebezeshaz mazyo ya Chiuta ndipo uwonenge kuzyoka kwa uchindami kwa pa umoyo wako!

Pala ufwaya kumanya vinandi pa utebeti na mabuku ya Mlisha Khrisi Oyakhilome, sebezeshaz:

To contact the author write:  
Pastor Chris Oyakhilome:

**United Kingdom:**

Unit C2, Thamesview Business Centre  
Barlow Way, Rainham, RM13 8BT  
Tel.: +44 (0)1708 556 604

**South Africa:**

303 Pretoria Avenue  
Cnr. Harley and Bram Fischer,  
Randburg, Gauteng, South Africa.  
Tel: +27-11-326 0971,  
+27-11-326 0972

**Nigeria:**

Christ Embassy  
Plot 97, Durumi District,  
Abuja, Nigeria.

**Nigeria:**

Plot 22/23 Billings Way, Oregun,  
Ikeja, Lagos.  
Tel: +234-808 586 5700,  
+234-817 198 7339  
+234-802 478 9892-3

Please include your testimony or help received  
from this book when you write. Your prayer  
requests are also welcome.



Khrisi Oyakhilome, D.Sc., D.D., ndiye mkulu wa LoveWorld Inc., mtebeti wa vya wanangwa vindi pa chalo. Kuba mlisha, msambizi, okhazikisha chitesheni cha kanema, mtebeti mu nkhani yopozya banthu, mtebeti wa mabuku omanyikwa pa chalo, mlisha Khrisi ali na chikhuzi-khuzi chophalazyila ubapo wa Chiuta ku chalo chose, nchito ya uzimu iyo izuzyika pa iye pa vyaka makhumi yatatu novwila banthu banandi kunkhala umoyo ofikapo mi chalo.

Ni mlembi ofikapo, mlembi wa mabuku ya Chimwemwe cha Unenesho, mtundu wa mabuku yobelenga mu bailo kosopa ndipo yogabizyika mwezi uliwise muviyowoyelo vyojumpha 3000 mu vyalo 242. Iye welembaso mabuku yanyake ojumpha pa makhumi yatatu.

Mlisha Khrisi ndiye akayamba malulombo ya pa intanet pa @PastorChrisLive on KingsChat) apo banthu chalo chose bobikika pamo kulomba nobeyelela ndipo ni malo ya vya minthondwe, ndondomeko iyo yuleta ubapo wa Chiuta m'nyumba mwako. Mphindu la utebeti uwu lufika ku chalo chose na LoveWorld kanema ka madishi mu chanya ku peleka uthenga wa Chikhristu opulikika makola ku bopulikizya chalo chose.

Sukulu lopozya lomanyikwa mbutebeti wa Mlisha Khrisi ovumbula nchito zopozya za Khristu Yesu ndipo wavwila banandi kupola kupitila mu nchito ya vya wanangwa vya Mzimu.